

14 апреля 2020 года

Страстная седмица

ВЕЛИКАЯ СРЕДА

**Последование малого
повечерия с трипеснцем
для домашнего
(келейного) совершения**

Молитвами святых отец наших,
Господи Иисусе Христе, Боже наш,
помилуй нас. **А**минь.

Слава Тебе, Боже наш, слава
Тебе.

Царю Небесный, Утешителю,

Душе истины, Иже вездé сый и вся исполняй, Сокрóвище благíх и жízни Подáтелю, прииди́ и вселíся в ны, и очíсти ны от всякíа сквэрны, и спаси́, Блáже, ду́ши нáша.

Святýй Бóже, Святýй Крéпкий, Святýй Безсмёртный, помíлуй нас.
Трижды, и три поклона.

Слáва Отцú, и Сýну, и Святóму Дúху, и ны́не и прíсно, и во вéки векóв. Амíнь.

Пресвятáя Трóице, помíлуй нас: Гóсподи, очíсти грехи́ нáша; Влады́ко, прости́ беззакóния нáша; Святýй, посети́ и исцели́ нéмощи

наша, имене Твоего ради.

Господи, помилуй. **Трижды.**

Слава, и ныне:

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

[**Я**ко Твое есть Царство и сила и слава во веки. Аминь. (Мф. 6: 9-13)]

Господи, помилуй, **12.**

Сла́ва, и ны́не:

Прииди́те, поклони́мся Цареви
нашему Богу.

Прииди́те, поклони́мся Христу́,
Царе́ви на́шему, Бо́гу.

Прииди́те, поклони́мся и
припаде́м Само́му Христу́, Царе́ви и
Бо́гу на́шему.

Псалом 50

Поми́луй мя, Бо́же, по вели́цей
ми́лости Тво́ей, и по мно́жеству
щедро́т Твои́х очисти́ беззакони́е
моё. Наипа́че омы́й мя от
беззакони́я моего́, и от греха́ моего́
очисти́ мя; я́ко беззакони́е моё аз
зна́ю, и грех мой предо мно́ю есть

вѣну. Тебѣ Единому согрѣших и лукавое пред Тобѡю сотворих, яко да оправдишия во словесѣх Твоих, и победиши внигда судити Ти. Се бо, в беззаконіих зачатъ есмь, и во гресѣх роди мя мати моя. Се бо, истину возлюбилъ еси; безвѣстная и тайная премудрости Твоея явилъ ми еси. Окропиши мя иссопом, и очищуся; омыеши мя, и паче снѣга убелюся. Слуху моему даши радость и веселие; возрадуются кости смиренныя. Отврати лице Твое от грѣх моих и вся беззаконія моя очисти. Сердце чисто созижди во мнѣ, Бѡже, и духъ правъ обнови во утробѣ моей. Не отвержи мене от

лица Твоего и Духа Твоего Святаго
не отыми от Мене. Воздаждь ми
радость спасения Твоего и Духом
Владычним утверди мя. Научу
беззаконныя путем Твоим, и
нечестивии к Тебе обратятся.
Избави мя от кровей, Боже, Боже
спасения моего; возрадуется язык
мой правде Твоей. Господи, устне
мои отверзеши, и уста моя
возвестят хвалу Твою. Яко аще бы
восхотел еси жертвы, дал бых убо:
всесожжения не благоволиши.
Жертва Богу дух сокрушен; сердце
сокрушено и смиренно Бог не
уничижит. Ублажи, Господи,
благоволением Твоим Сиона, и да

созыждутся стѣны Иерусалимския.
Тогда благоволиши жѣртву правды,
возношеніе и всесожегаемая;
тогда возложат на олтарь Твой
тельцы.

Псалом 69

Боже, в по́мощь мою вонми,
Господи, помощі ми потщися. Да
постыдятся и посрамятся ищущи
душу мою, да возвратятся вспять и
постыдятся хотящии ми злая. Да
возвратятся абие стыдящесе
глаголющии ми: благоже, благоже.
Да возрадуются и возвеселятся о
Тебе вси ищущии Тебе, Боже, и да
глаголют выну, да возвеличится
Господь, любящии спасение Твое:

аз же нищ есмь и убог, Бóже,
помози ми: Помощник мой и
Избáвитель мой еси Ты, Гóсподи,
не закоси́.

Псалом 142

Гóсподи, услыши моли́тву мою́,
внуши́ моле́ние моё во и́стине
Твоёй, услыши мя в пра́вде Твоёй и
не вни́ди в суд с рабо́м Твои́м, я́ко
не оправди́тся пред Тобо́ю всяк
живы́й. Я́ко погна́ враг ду́шу мою́,
смирíл есть в зéмлю живóт мой,
посади́л мя есть в тёмных, я́ко
мёртвыя вéка. И уны́ во мне дух
мой, во мне смятéся сёрдце моё.
Помяну́х дни дрéвния, поучи́хся во
всех дéлех Твои́х, в творéниях руку́

Твоёю поучахся. Воздѣхъ къ Тебѣ рѹце
мой, душá моя, яко земля
безводная Тебѣ. Скоро услыши мя,
Господи, исчезѣ дух мой, не
отврати лица Твоего от Мене, и
уподоблюся низходящымъ в ровъ.
Слышану сотвори мнѣ завтра
милость Твою, яко на Тя уповахъ.
Скажи мнѣ, Господи, путь вонъже
пойду, яко къ Тебѣ взяхъ душу мою.
Изми мя отъ врагъ моихъ, Господи, къ
Тебѣ прибегахъ. Научи мя творити
волю Твою, яко Ты еси Богъ мой. Духъ
Твой Благій наставитъ мя на землю
праву. Имене Твоего ради, Господи,
живиши мя, правдою Твоею
изведѣши отъ печали душу мою. И

мѣлостію Твоѣю потребѣши врагѣ
моѣ и погубѣши вся стужающыя
душѣ моѣй, яко аз раб Твой есмь.

Великое славословіе

Слава в вѣшних Бѣгу, и на землі
мир, в человецех благоволеніе.
Хвалім Тя, благословім Тя,
кланяем Ти ся, славословім Тя,
благодарім Тя, великія ради
славы Твоеѣ. Господи, Царю
Небесный, Боже, Отче
Вседержителю, Господи Сыне
Единородный, Иисусе Христѣ, и
Святѣй Душе. Господи Бѣже, Агнче
Бѣжий, Сыне Отечь, вземляй грех
мѣра, помѣлуй нас. Вземляй грехѣ
мѣра, примѣ молѣтву нашу. Седяй

одесную Отца, помилуй нас. Яко Ты еси Един Свят; Ты еси Един Господь, Иисус Христос, в славу Бога Отца, аминь.

На всяку ночь благословлю Тя и восхваляю имя Твое во веки, и в век века.

Господи, прибежище был еси нам в род и род. Аз рех: Господи, помилуй мя, исцели душу мою, яко согреших Тебе. Господи, к Тебе прибегах, научи мя творити волю Твою, яко Ты еси Бог мой, яко у Тебе источник живота, во свете Твоем узрим свет. Пробави милость Твою ведущим Тя.

Сподóби Гóсподи, в но́щь сию́
без грехá сохранíтися нам.
Благословéн есѝ Гóсподи Бóже
отéц нáших, и хвáльно и
прослáвлено ѝмя Твоé во вéки,
амѝнь.

Буди, Гóсподи, мѝлость Твоѝя на
нас, я́коже упováхом на Тя.
Благословéн есѝ, Гóсподи, научѝ
мя оправдáнием Твоѝм.
Благословéн есѝ, Влады́ко, вразумѝ
мя оправдáнием Твоѝм.
Благословéн есѝ, Святѝй, просветѝ
мя оправдáнии Твоѝми.

Гóсподи, мѝлость Твоѝя во век,
дел руку́ Твоéю не прѝзри: Тебѝ
подоба́ет хвалá, Тебѝ подобáет

пéние, Тебé сла́ва подобáет, Отцú, и
Сы́ну, и Свято́му Ду́ху, ны́не и
прíсно, и во вéки векóв. Амíнь.

Вéрую во еди́наго Бо́га Отца́
Вседержíтеля, Творца́ не́бу и
земли́, вíдимым же всем и
невíдимым. И во еди́наго Го́спода
Иисúса Христá, Сы́на Бо́жия,
Единорóднаго, Ёже от Отца́
рождéннаго прéжде всех век. Свёта
от Свёта, Бо́га йстинна от Бо́га
йстинна, рождéнна, несотворéнна,
единосúщна Отцú, Ёмже вся бы́ша.
Нас ра́ди человек и нáшего ра́ди
спасéния сшédшаго с небéс и
воплотívшагося от Ду́ха Свя́та и
Марíи Дéвы и вочеловéчшася.

Распя́таго же за ны при
Понти́йстем Пилáте, и страда́вша,
и погребённа. И воскрэ́сшаго в
трéтий день по Писáнием. И
возше́дшаго на Небеса́, и седы́ща
одесну́ю Отца́. И па́ки грядúщаго со
сла́вою суди́ти живы́м и мэ́ртвым,
Его́же Ца́рствию не бúдет конца́. И
в Ду́ха Свята́го, Го́спода,
Животворя́щаго, Ёже от Отца́
исходя́щаго, Ёже со Отце́м и Сы́ном
спокланя́ема и ссла́вима,
глаго́лавшаго проро́ки. Во еди́ну
Святу́ю, Собо́рную и Апóстольскую
Цёрковь. Испове́дую еди́но
крещéние во оставлéние грехо́в.
Чаю́ воскресéния мэ́ртвых, и

жизни будущаго века. Аминь.

**Трипеснец,
творение господина Андрея
Критскаго. Глас 6.**

Песнь 4

Ирмос: Услыша пророк
пришествие Твое, Господи, и
убояся: яко хощеши от Девы
родиться, и человеком явиться, и
глаголаше: услышах слух Твой, и
убояхся, слава силе Твоей, Господи.

**Слава Тебе, Боже наш, слава
Тебе.**

**Горница посланная прият Тя,
Создателя и стайники, и тамо
пасху скончал еси, и тамо**

содѣлал еси́ та́инства: та́мо бо
двемá по́сланомá ны́не
ученико́ма Тво́йма, Па́сха
угото́вася Тебе́.

Сла́ва Тебе́, Бо́же наш, сла́ва
Тебе́.

Иди́те ко о́нсице, вся Вѣдый
предглаго́лет апо́столом, и
блаже́н есть, и́же мо́жет ве́рно
прия́ти Го́спода: го́рницу у́бо
се́рдце предъугото́вав и ве́черю
благоче́стие.

Сла́ва Тебе́, Бо́же наш, сла́ва
Тебе́.

Нрав сребролю́бия, и о́браз
твой безу́мия испо́льнъ,

**несмысленный Иудо: вверен бо
быв един токмо ковчезцу, всяко
не преклонился еси к
милосердию: но заключил еси
жестокаго твоего сердца утробу,
предав Единого Благоутробнаго.**

Слава Тебе, Боже наш, слава
Тебе.

Нрав богоубийц проданию
сребролюбца смесивыйся: ов убо
ко убиению вооружися, ов же к
сребреником устремляшеся:
удавлением бо тогда
предразсудив покаяние зле, еже
жити лишися.

Слава Тебе, Боже наш, слава

Тебѣ.

Лобызание исполнено лести,
эже радуйся, со ору́жием,
льстивый Иудо: языком́ убо
провещавáеши яже к
соединению, нравом же
помавáеши к разстоянию:
предати бо беззаконником
Благодетеля лэстне поучылся
еси́.

Слава Тебѣ, Бóже наш, слава
Тебѣ.

Лобызáеши и продаéши, Иудо,
целу́еши и не стыди́шия,
лэстию притекíй. Кто ненави́дя
лобызáет треока́янне? Кто любя́

продаёт на ценé? Лобызáние
твоегó безстúднаго злосовéтия
обличáет произволéние.

Слáва Отцú, и Сýну, и Святóму
Дúху.

Трóичен: **Нераздéльное**
существóм, неслитное Лйцы,
благословлю Тя, Трóическое
Едйно Бóжествó, я́ко
единоцáрственное и
сопрестóльное, вопиú Тебé песнь
велйкую, в в́шних трегúбо
песнослóвимую.

И н́ине, и прйсно, и во вéки
векóв. **Амйнь.**

Богорóдичен: **Зачáтие** пáче

сло́ва, Рожде́ствó Твоё́ па́че
естества, Богороди́тельнице: о́во
у́бо от Ду́ха без се́мене, о́во же
зако́нов естества́ та́ящееся, я́ко
нетле́нно, и па́че естества́
всякаго́ рождéния: Бог бо
ражда́емое.

Ирмо́с: Услы́ша проро́к
прише́ствие Твоё́, Го́споди, и
убо́яся: я́ко хо́щеша от Де́вы
роди́тися, и челове́ком яви́тися, и
глаго́лаше: услы́шах слух Твой, и
убо́яхся, сла́ва си́ле Твоё́й, Го́споди.

Го́споди, поми́луй. **Трижды.**

Сла́ва, и ны́не:

Седáлен, глас 4:

Ядый, Влады́ко, со ученики́
Твои́ми, таи́нственно яви́л еси́
всесвято́е Твоё заколе́ние, и́мже
тлѣ избáвихомся, честна́я Твоя́
почита́ющим страда́ния.

Песнь 8

Ирмо́с: Егóже вои́нства небéсная
сла́вят, и трепéщут Херувíми и
Серафíми, вся́ко дыха́ние и тварь,
по́йте, благослови́те и
превозноси́те во вся ве́ки.

Сла́ва Тебе́, Бо́же наш, сла́ва
Тебе́.

Закóнное сконча́в повелéние,
скрижа́ли закóнныя написа́вый
в Сина́и, снedé убо па́сху

дрéвнюю и сенóвную, бысть же Пáсха тáйная и живожéртвенная.

Слáва Тебé, Бóже наш, слáва Тебé.

От вéка сокровénную, Христé, Премúдрость тайноводя́, показáл еси́ кúпно всем апóстолом, Спáсе, на вéчери, ю́же цéрквам предáша богонóснии.

Слáва Тебé, Бóже наш, слáва Тебé.

Ед́ин от вас лéстию предáст Мя, евре́ем прода́в в но́щь сию́, сиé Христóс возоп́ив смущáше дрúги: тогдá ед́ин ко ед́иному недоумевáяся колебáшеся.

Сла́ва Тебе́, Бо́же наш, сла́ва Тебе́.

Смирíвся нас ра́ди Богаты́й, от вéчери воста́в, ле́нтий приéм, сим препоя́сался еси́, и приклóнь в́ью, омы́л еси́ но́ги ученико́в и преда́теля.

Сла́ва Тебе́, Бо́же наш, сла́ва Тебе́.

Пáче ума, и неизрече́нна разума высотé Твоéй, Иису́се, кто не удиви́тся! я́ко брeнию предста́л еси́, Содéтелю вся́ческих, омы́ва́я у́бо но́ги, отира́я же ѝ ле́нтием.

Сла́ва Тебе́, Бо́же наш, сла́ва

Тебѣ.

Ученик, егѡже любляше
Господь, на перси возлег рече к
Немю: кто есть предай Тя?
Христос же ко оному: сей
вложивый в солило ныне руку.

Слава Тебѣ, Бѡже наш, слава
Тебѣ.

Ученик хлеб приемыи, по
хлебе отлучается, продаию
поучаяйся, течет ко иудеем,
глаголет беззаконным: что мне
хощете дати, и аз Егѡ вам
предам?

Благословим Отца, и Сына, и
Святаго Духа, Господа.

Трѳичен: Единаго Бога по существу чту, три Ипостаси пою определительне, иныя, но не инаковыя: понеже Божество едино, в трех Лицах, ибо Отец, и Сын, и Божественный Дух.

И ныне, и присно, и во веки веков. **Аминь.**

Богородичен: Избави нас, Иисусе Спасе наш, от лести лукаваго, и напасти, прими Богородицу молящуюся непрестанно: Мати бо есть, и может Тя умолити.

Хвалим, благословим, покланяемся Господеви, поюще и

превозносяще во вся вѣки.

Ирмос: Егѡже вѡинства небѣсная
слáвят, и трепѣщут Херувѣми и
Серафѣми, всяко дыхáние и тварь,
пѡйте, благословѣте и
превозносѣте во вся вѣки.

Песнь 9

Ирмос: Безсѣменнаго зачáтия
Рождествѡ Несказáнное Мáтере
безмужныя нетлѣнен плод: Бѡжие
бо Рождѣние обновлѣет естества.
Тѣмже Тя вси роди, я́ко
богоневѣстную Мáтерь,
правослáвно величáем.

Слáва Тебѣ, Бѡже наш, слáва
Тебѣ.

Великое таинство Твоего
вочеловечения, на вѣчерн
совозлежашу Тебѣ учеником
Твоим, Человеколюбче, открыв
рекл еси: ядите хлеб животный
верою, пейте и кровь излианную
от богоробеннаго заклѣния.

Слава Тебѣ, Боже наш, слава
Тебѣ.

Сень небесная явися горница,
идеже Пасху Христос соверши:
вѣчеря безкровная и словесная
служба, трапѣза же тамо
совершенных таин, мысленный
жертвенник.

Слава Тебѣ, Боже наш, слава

Тебѣ.

Пасха Христосъ есть великая и всечестная, снадѣнъ бывъ яко хлебъ: закланъ же яко овча: Той бо вознесся о насъ жертва: Того тѣла благочестно, и Того крове вси тайно причащаемся.

Слава Тебѣ, Боже нашъ, слава Тебѣ.

Хлебъ благословивъ, хлебъ сый Небесный, благодаривъ Отцу родителю, приемый, и чашу ученикомъ давалъ еси: примите, ядите, вопия, сие есть тѣло Моё, и кровь нетлѣнная жизни.

Слава Тебѣ, Боже нашъ, слава

Тебѣ.

Амѣнь глаголя, рече рождиям
Лоза, апостолом Христос истина:
отселе не имам пити от лозы
питиѣ, дондеже пию е новое, во
славе Отца Моего, с вами,
наследники мои.

Слава Тебѣ, Боже наш, слава
Тебѣ.

Продаеши на тридесятих
сребреницех Господа и не
помышляеши, Иудо
беззаконный, вечери таинство,
или честное умовение. О како
поползся падением, в конец
света пришел еси, давление

облобызав!

Сла́ва Тебе́, Бо́же наш, сла́ва Тебе́.

Ру́це просте́рл еси́, и́миже хлеб прия́л еси́ нетле́ния, прия́ти сре́бреники, уста́ к целова́нию принося́ льсти́вно, и́миже те́ло Христо́во и кровь прия́л еси́: но го́ре Тебе́, я́коже рече́ Христо́с.

Сла́ва Тебе́, Бо́же наш, сла́ва Тебе́.

Христо́с учредí мир, Небе́сный и Божество́нный Хлеб: Приидíte у́бо хри́столю́бцы, брэнными устна́ми, чи́стыми же се́рдцы, при́йдем ве́рно жре́мую Па́сху, в

нас священнодействуемую.

Слава Отцѹ, и Сѣну, и Святѹму
Дѹху.

Трѹицен: **О**тца просла́вим,
Сѣна превознесѣм,
Божѣственному Дѹху вѣрно
поклонѣмся, Трѹице
Нераздѣльней, Едѣнице по
существу: я́ко Свѣту и Свѣтом, и
Животѹ и Животѹм,
Животворящему и
просвѣщающему концы́.

И ны́не и прѣсно, и во вѣки
векѹв. **А**ми́нь.

Богорѹдичен: **Ч**ертѹг
Небѣсный, и Невѣста

Приснодѣва, едина явилася еси,
Бога носивши, рождши же
непреложно, из Тебѣ
воплощенна. Тѣмже Тя вси роди,
яко Богоневѣстную Матерь,
православно величаем.

Ирмос: Безсѣменнаго зачатия
Рождество Несказанное Матере
безмужныя нетленен плод: Божие
бо Рождѣние обновляет естества.
Тѣмже Тя вси роди, яко
богоневѣстную Матерь,
православно величаем.

Таже:

Святый Боже, Святый Крепкий,
Святый Безсмертный, помилуй нас.

Трижды, и три поклона.

Сла́ва Отцу́, и Сы́ну, и Свято́му
Ду́ху, и ны́не и прѣсно, и во ве́ки
векóв. **А**ми́нь.

Пресвята́я Трѳице, помѣлуй нас:
Го́споди, очѣисти грехѣ́ на́ша;
Влады́ко, прости́ беззакѳнѣ́я на́ша;
Святы́й, посети́ и исцели́ не́мощи
на́ша, ѣмене Твоего́ ра́ди.

Го́споди, помѣлуй. **Трижды.**

Сла́ва, и ны́не:

Отче наш, Ёже еси́ на Небесѣ́х, да
святѣ́тся ѣмя Твое́, да прѣидет
Ца́рствие Твое́, да бу́дет во́ля Твоя́,
я́ко на Небеси́, и на земли́. Хлеб
наш насущный даждь нам днесь; и

оста́ви нам до́лги на́ша, я́коже и
мы оставля́ем должникóм на́шим;
и не введи́ нас во искуше́ние, но
изба́ви нас от лука́ваго.

[Я́ко Твое́ есть Ца́рство и си́ла и
сла́ва во ве́ки. Ами́нь. (Мф. 6: 9-13)]

Кондак, глас 2:

Хлеб прие́мь в ру́це преда́тель,
сокрове́нно тыя простира́ет, и
прие́млет це́ну Созда́вшаго
Свои́ма рука́ма челове́ка, и
неиспра́влен пребы́сть Иу́да раб
и льстец.

Го́споди, поми́луй. 40.

Иже на всякое вре́мя и на всякий
час, на Небеси́ и на земли́,

покланяемый и сла́вимый, Христе́
Бо́же, Долготерпелі́ве,
Многомíлостиве, Многоблаготроу́бно,
И́же пра́ведныя любя́й и грешныя мíлуй,
И́же вся зовы́й ко спасе́нию обеща́ния ра́ди
бу́дущих благ. Сам, Го́споди, приими́
и на́ша в час сей моли́твы и испра́ви
живо́т наш к за́поведем Твои́м,
ду́ши на́ша освяти́, телеса́ очисти́,
помышле́ния испра́ви, мы́сли очисти́
и изба́ви нас от вся́кия ско́рби,
зол и болéзней, огради́ нас святы́ми
Твои́ми А́нгелы, да ополче́нием их
соблюда́еми и наста́вляеми, досты́гнем
в соедине́ние ве́ры и в

ра́зум непристу́пная Твоея́ сла́вы,
яко́ благослове́н еси́ во ве́ки веко́в,
амі́нь.

Сла́ва, и ны́не:

Го́споди, поми́луй. Трижды.

Честне́йшую Херуви́м и
сла́внейшую без сравне́ния
Серафи́м, без ислéния Бо́га Сло́ва
ро́ждшую, су́щую Богоро́дицу, Тя
велича́ем.

Моли́твами святы́х оте́ц на́ших,
Го́споди Иису́се Христé, Бо́же наш,
поми́луй нас. Амíнь.

И молитва молебная ко Пресвятей
Богородице:

Несквѣрная, Неблázная,
Нетлѣнная, Пречíстая, Чíстая
Дѣво, Богоневѣсто Владычице, яже
Бóга Слóва челове́ком преслáвным
Твои́м Рождество́м соединíвшая, и
отрíнувшееся естество́ рóда
нашего небѣсным совоку́пльшая:
яже ненаде́жных еди́на Наде́жда, и
борíмых по́моще, гото́вое
заступлѣние к Тебѣ притека́ющих,
и всех христиа́н прибѣжище. Не
гнуша́йся менѣ грѣшнаго,
сквѣрнаго, сквѣрными по́мысли, и
словесы́, и дея́ньми всего́ себѣ
непотрѣбна сотво́рша, и ра́зумом
лѣности сласте́й жити́я раба́
бывша; но яко человеколюбíваго

Бо́га Ма́ти, человеколю́бне
умилосе́рдися о́ мне грешнем и
блуднем, и приими́ моё, е́же от
скверных устён приносимое Тебе́
молéние: и Твоего́ Сы́на, и на́шего
Влады́ку и Го́спода, ма́тернее Твоё
дерзнове́ние употребле́юща, моли́,
да отве́рзет и́ мене
человеколю́бныя утробы́ Своея́
бла́гости, и презре́в моя́
безчи́сленная прегреше́ния,
обрати́т мя к пока́нию, и Свои́х
за́поведей де́лателя иску́сна яви́т
меня. И предста́ни мне прі́сно, я́ко
ми́лостивая, и милосе́рдая, и
благолю́бивая, в настоя́щем убо
жити́и тёплая Предста́тельница и

Помощнице, сопротивных
нашествия отгоняющи, и ко
спасению наставляющи мя: и во
время исхода моего окаянную мою
душу соблюдающи, и темныя
зраки лукавых бесов далече от нея
отгоняющи: в страшный же день
суда вечныя мя избавляющи муки,
и неизреченныя славы Твоего
Сына и Бога нашего наследника мя
показующи. Юже и да улучу,
Владычице моя, Пресвятая
Богородице, Твоим ходатайством и
заступлением, благодатию и
человеколюбием Единороднаго
Сына Твоего, Господа и Бога и
Спаса нашего Иисуса Христа.

Емуже подобает всякая слава,
честь и поклонение, со
Безначальным Его Отцем, и
Пресвятым, и Благим, и
Животворящим Его Духом, ныне и
присно, и во веки веков, аминь.

Молитва иная ко Господу нашему
Иисусу Христу,
Антиоха монаха Пандекта:

И даждь нам, Владыко, на сон
грядущим покой тела и души, и
сохрани нас от мрачного сна
греховного, и от всякого темного и
нощного сладострастия: укроти
стремления страстей, угаси
разжженные стрелы лукаваго, яже
на ны льстиво движимыя: плоти

на́шея воста́ния утоли́, и вся́кое
земно́е и веще́ственное на́ше
мудрова́ние успи́. И да́руй нам,
Бо́же, бодр ум, целому́др по́мысл,
се́рдце трезвя́щееся, сон легóк и
вся́каго сатанина́ мечта́ния
изменён. Возста́ви же нас во вре́мя
моли́твы утвержде́ны в за́поведех
Твои́х, и па́мять суде́б Твои́х в себе́
твёрду иму́ща: всенóщное
славосло́вие нам да́руй, во ё́же
пе́ти и благослови́ти и сла́вити
пречестно́е и великолéпое и́мя
Твоё, Отца́, и Сы́на, и Свята́го Ду́ха,
ны́не и присно, и во ве́ки веко́в,
ами́нь.

Пресла́вная Присноде́во, Ма́ти

Христá Бóга, принеси́ нáшу
молíтву Сы́ну Твоему́ и Бóгу
нáшему, да спасёт Тобóю дúши
нáша.

Молитва иная святаго Иоанникия:

Уповáние моё Оте́ц, прибе́жище
моё Сын, покрóв мой Дух Святы́й,
Трóице Свята́я, сла́ва Тебе́.

Сла́ва, и ны́не:

Гóсподи, помíлуй. Трижды.

Благослови́.

Отпу́ст

Христé, и́стинный Бóже наш,
молíтвами Пречíстыя Твоея́
Ма́тере, преподóбных и

**БОГОНО́СНЫХ ОТЕ́Ц НА́ШИХ И ВСЕХ
СВЯТЫ́Х, ПОМИ́ЛУЙ И СПАСИ́ НАС, Я́КО
БЛАГ И ЧЕЛОВЕКОЛЮ́БЕЦ. АМИНЬ.**

И просим друг у друга прощения

И молитва:

**НЕНАВИ́ДЯЩИХ И ОБИ́ДЯЩИХ НАС
ПРОСТИ́, ГО́СПОДИ, ЧЕЛОВЕКОЛЮ́БЧЕ.
БЛАГОТВОРЯ́ЩИМ БЛАГОСОТВОРИ́.
БРА́ТЯМ И СРО́ДНИКОМ НА́ШИМ
ДА́РУЙ Я́ЖЕ КО СПАСЕ́НИЮ ПРОШЕ́НИЯ
И ЖИЗНЬ ВЕ́ЧНУЮ. В НЕ́МОЩЕХ СУ́ЩΙΑ
ПОСЕТИ́ И ИСЦЕЛЕ́НИЕ ДА́РУЙ. И́ЖЕ В
МО́РИ УПРА́ВИ. С ПУТЕШЕ́СТВУЮЩИМИ
СПУТЕШЕ́СТВУЙ. СЛУЖА́ЩИМ И
МИ́ЛУЮЩИМ НАС, ГРЕХО́В ОСТАВЛЕ́НИЕ
ДА́РУЙ. ЗАПОВЕ́ДАВШИХ НАМ,**

недостойным, моли́тися о них,
помилуй по вели́цей Твоёй
милости. Помяни́, Го́споди, прэ́жде
усопшия отцы́ и бра́тию на́шу, и
упокóй я́, иде́же присещáет свет
лицá Твоегó. Помяни́, Го́споди,
бра́тий на́ших пленённых и избáви
я́ от всякаго обстоя́ния. Помяни́,
Го́споди, плодоно́сящих и
добродéлающих во святых Твои́х
цёрквах, и даждь им я́же ко
спасéнию проше́ния и жизнь
вэ́чную. Помяни́, Го́споди, и нас,
смирённых и грéшных и
недостойных раб Твои́х, и
просвети́ наш ум свéтом рáзума
Твоегó, и наста́ви нас на стезю́

заповедей Твоих. Молитвами
Пречистой Владычицы нашей
Богородицы и Приснодевы Марии
и всех Твоих святых. Яко
благословен еси во веки веков.
Аминь.